

ENERGIA NUKLEARRA. Jaurlaritzako Ingurumen sailburuak bilera eskatu dio Nuclenorri

Ingalaterratik Garoñara plutonioa eramane nahi dutela salatu dute

Ekonomia Ministerioak Greenpeaceari igorritako gutun batean aztertzen ari direla diote



JOSEBA OLALDE

Garoñako zentral nuklearreko kontrol gunea.

Mirian Biteri | **GASTEIZ**

Espainiako Gobernuak plutonioaren itzulera prestatzen ari dela salatu zuen atzo Greenpeacek. Erakunde ekologistak dienez, Gobernuak Ingalaterrara bidalitako plutonioa Espainiara eramatea erabaki du. Plutonioa Garoñako (Burgos) zentral nuklearretik eramane zuten 1983. urtera arte bertan tratatzeko asmoarekin.

Espainiako Ekonomia Ministerioa plutonioa errekin moduan erabiltzea ikertzen ari da. Espainiako Energia Politika eta Meatzategietako zuzendari nagusi Carmen Becerrilek Greenpeaceari bidalitako eskutitz batean onartu zuenez, «plutonioa Espainiako zentral nuklearretan erregai bezala baliatzea aztertzen ari da».

Plutonio-239a oso elementu «toxikoa» dela ohartarazi du Greenpeacek, erregai moduan erabiltzen den plutonio hori milaka urtez izan baitaiteke erradioaktiboa. Beraz, ekologisten ustez, «Gobernuaren aldetik, oso akats larria izango litzateke horrelako hautaketa bat egitea. Gure lurralde barnean oso garrario arriskutsuak egitea izango litzatekeelako». Merkurio gramoa bakar batek, atmosferan ba-

rreiatuta, milioi bat pertsona baino gehiagori biriketako minbizia eragin diezaiekeela salatu zuen Greenpeacek.

Aipaturiko aukera teknologiko hori zalantzan jarri izan da mundu osoan. Ondorioz, 1983. urtean Espainian bertan behera utzi zutela gogoratu zuten ekologistek.

70eko hamarkadatik 1983. urtea bitartean, Zoritako (Gudalajara) eta Garoñako zentral nuklearretan higatutako erregai Ingalaterran dagoen British Nuclear Fuel Ltd enpresara

igorri zuen Espainiak. Errekin horretatik bidalitako Zoritako 56 tonak tratatuak izan dira dagoeneko, Ekonomia Ministerioak dienez. Garoñako 97 tonak, aldiz, 2002. eta 2003. urteetan tratatuko dira.

1993ko maiatzaren 31n Erresuma Batuekin izenpetutako hitzarmenen ohar informatiboa bidali zion Espainiako Segurtasun Nuklearrerako Kontseiluak (CSN) Greenpeaceari. Horretan bi gai nagusi jasotzen ziren: lehenengoan jasotzen zenez, tratamenduaren ondorioz lortuta-

ko hondakinek ez zuten Espainiara bueltatu behar. Bigarrenean, berriz, Espainiak tratamenduaren ondorioz lortutako plutonioaren jabetzari uko egingen zion.

2001eko ekainaren 29an Greenpeacek Becerrilen gutuna jasotzerakoan, aldiz, honakoa adierazi zuen: «Garoñako zentral nuklearretik berreskuratu uranioa eta plutonioa Espainiaren eskutan gelditzea aurreikusten da». Greenpeacek aldaketa horren arrazoiak eskatu dizkie Espainiako Gobernuari eta Segurtasun Nuklearrerako Kontseiluari.

Salaketaren funtsa ukatu du Nuclenor enpresak

Nuclenor enpresak, Garoñako zentral nuklearren jabeak, ezeztatu zuen Greenpeacearen salaketa. Nuclenorreko bozeramaile Antonio Cornadok esan zuenez, «Espainiako Gobernuak ez du erregai tratatua ekartzeko asmorik. Ingalaterran tratatutako errekinetatik ateratzen den uranioa salmentan jarriko da nazioarteko merkatuetan». Bestalde, CSNk, Greenpeacearen salaketaren inguruan, ez zuen hitz egin nahi izan, ez zekiela zein zen komunikatuaren edukia.

JAURLARITZAREN KEZKA

Azkarragak bilera eskatu du

Joseba Azkarraga Eusko Jaurlaritzako Ingurumen sailburuak arretaz segitu du Greenpeacek zabalduko salaketa. Ekologisten arabera, Ingalaterratik Espainiako zentral nuklearretara ekarri nahi dute plutonioa, erregai modura erabiltzeko. «Material erradioaktiboen garraioa da zentral nuklearren erabilerarekin dagoen kezka nagusia», Azkarragaren ustez. Material horiek garraiatzeko komunikazio azpiegituren «segurtasunik eza» nabarmendu du, eta zentralen inguruan bizi diren biztanleen segurtasuna «bermatu» beharra aldarrikatu. Gainera, plutonioa zentral nuklearretan nola erabiltzen den hobeto jakiteko, Nuclenorreko ordezkariekin biltzeko asmoa duela adierazi zuen. Ordezkar horiekin harremanetan jarri ostean, Azkarragak plutonioa berriz hornitzeari buruz Espainiako zentralak dituzten plangintzak jakin nahi ditu.

ITOITZ

Egindako kalteak konponezinak izanen direla salatu dute Solidarioek

Orreaga Aranburu | **IRUÑEA**

Urtegia betetzeko egiten ari diren lanak salatu zituen atzo Itoitzekin Solidarioak taldeak. Azkenean urtegia betetzen ez badute ere, «bailaretan sortutako orbainak» konponezinak izanen direla erran zuten.

«Europako ekologista talde batek iltzeak jarri zituen arren, zuhaitzak moztzen jarraitzen dute, Usoztik Nagorera pista bat egiten ari dira eta duela bi hilabete Ezkai herriaren zati bat erraustu zuten», adierazi zuten Solidarioek.

Entzutegi Nazionalak bere garaian lanak debekatu zituela gogoratu zuten eta urtegiak aurrera jarraitzea salatu.

Bestalde, Iñaki Garcia Koch Itoitzekin Solidarioak taldeko kidearen egotia jakinarazi zuten. Duela sei urte beste zazpi kideekin kableak moztu zituen eta duela bi hilabete atxilotu zuten.

Garcia Koch talde armatuko kideetat hartzea eta FIES-3 moduluan sartua egotea salatu zuten: «Bisitak murrizten dizkio, posta kontrolatzen diote, bakartze-ziegetan sartzen dute, behin eta berriz katxeatu eta jipoi-tzen dute...».

«Ama lurra suntsitzen dutenak onak direla eta defendatzen dutenak kartzelara doazela ikusita», inpotentzia eta amorruta sentitzen dutela adierazi zuten Solidarioek.

Kanpaldia Ekain

Bestalde, datorren astean Ekain (Agoitz) eginen dute kanpaldi errebindikatiboaren berri eman zuten. Urtegiaren kontra dagoen jendea joateko deia egin zioten, «Itoitz gelditu eta Iñaki askatu oihukatza».

Astean zehar tailerrak, hitzaldiak, bideo emanaldia, manifestazioak eta mendi-martxak izanen direla azaldu zuten.

Larunbatean, irailak 1, berriz, manifestazioa egiten dute Agoitzen, arratsaldeko 18:30ean. Eta igandean, Iruñeko kartzelan kontzentrazioa.